

SAMBA CIOMPA

(di G. Secco - G. Secco e M. Viel)

Quei de sinistra, i à sempre raşon  
fursi par questo, i fa l opoşizion:  
i preferise, tra l dir e l far,  
zigar da londi, de là del mar!

A quei de destra, ghe pias al dur,  
la faza al ciaro, dugar a l scur:  
i preferise, tra far e dir,  
prima de far e po mandarla a dir!

Quei de sinistra, se i vet al bianc  
i ziga tuti che i lo vede ros  
e quei de destra, che lo stes i vede,  
i dis l é negro e i giura che i ghe crede!

Quei che laora parché i à fame  
vet tuti viola le melanzane:  
no ghe ne frega de dreta o zanca  
no i à problemi de conto in banca

Quei che na vita i à laorà  
e dèş i é redóti come desperà  
no ghe ne frega de zanca o dreta  
e i sogna l gusto de na bistecheta.

Chi par la strada é deşocupà  
che no à pì caşa e no là pì l età  
che pa robar no l à mai bù istrutór  
al ghe ne pasa de ogni color

E forza de vardarla l ò ben capìa  
parché l é daltonica l ideologia:  
vardar e véder solo dó colori  
al é n malan che ghe fa ben a i siori!

Mi dighe siori par dir potenti  
co l pèl che crese sora i sentimenti  
col pèl che se l riva sora l cor  
al ne negarà tuti te n sol color!

Che tinta aralo sto novo s-ciavo  
na olta negro, na olta biavo  
n olta carota, n antra baston  
che l par no vèver senza parón!

Vorè che Dio, supremo magistrato  
ne fese tuti tondi e senza n lato  
e fati sferici e così sia  
se podarìa pensar a la democrazia!

finale:

e senza pì nesuni che ne pompa  
se poderà cantar sta samba ciompa;

e senza pì nesuni che ne pompa  
se poderà cantar sta samba ciompa!